



● EDITORIAL ● RÂL VÊNGTU ● CHHÛNGKAW CHANCHIN

✦ Revival Camping Centre-a Camping kaihhruaina
✦ Zû leh Unique Identification (UID) Zir
✦ Synod Finance Committee Vawi 110-na

RNI 68092/83 Regn. No. N.E. 1024
From
Synod Literature & Publication Board
Synod Office, Aizawl - 796 001,
Mizoram. Phone - 0389-2324590

SYNOD *Newsletter*

Volume XXVIII

No. 372

E-mail : synodnews@gmail.com

SEPTEMBER, 2014

SYNOD DAMDAWI IN RAWNGBÂWLNA CHANCHIN TLÂNGPUI

** Dâktawr thar pahnih leh thiamna sâng zawk zir tûra chhawp dâktawr panga;
* Thisen thliar hranna khâwl thar hman ãan a ni a, a ãangkai hle*

*Upa F. Lalsângliana
Coordinator, Synod Hospital*

Kohhrante ãan lâkna leh ãawngtaipuina azârah Synod tihdam rawngbâwlnain hma a sâwn zêl a. Kohhran, Kohhran Hmeichhia, KTP leh pâwl hrang thilpêk dawn te, mi mal ãahnemngaite thilpêk dawn te hmangin damlo rethei ãanpui ngaiten ãanpuina an dawng ãhîn a; Kohhranhovin Lal Isua hna kan chhunzawmna pawimawh a nihzia a tichiang hle. Synod Hospital-a thawktute min ãawngtaipui azâra Pathian malsâwmna kan dawn, Kohhranhote hriat âwm chite târ lan pahin kan dinhmun tlângpui hetiang hian sawi ila-

1. Hospital-a thawktu leh hna pêng hrang awm dân tlângpui:

Synod Hospital-ah hian Dâktawr 29 an awm a, chûng zînga 16 chu thiamna bîk nei (Specialist) an ni. Nursing Staff 186 an awm a, thawktu dang 158 nêen thawktu 373 an awm mêk a. Damlo khum 320 a awm a; Synod Hospital-ah hian hêng natna chi hrang hrang enkawlina (Unit)-te hi a awm-

- | | |
|--|--|
| (1) General Medicine | (2) General Surgery |
| (3) Obstetrics & Gynaecology (Nu leh naute) | |
| (4) Orthopaedic (Ruh) | (5) Paediatric (Naupang) |
| (6) ENT (Beng, hnâr & hrawk) | |
| (7) Eye (Mit) | (8) Anaesthesia (Hnimhlum petu) |
| (9) Pathology | (10) Microbiology |
| (11) Radiology | (12) Physiotherapy |
| (13) Blood Bank | (14) Ruihhlo ngaite enkawlina (K-Ward) |
| (15) HIV/AIDS veite enkawlina - Grace Home | |
| (16) ICU (Na zual enkawlina) | |
| (17) Nursery Ward (Nau piang hlim damlo enkawlina) | |

2. Dâktawr thar leh hmanraw thar

Dâktawr indaih lohna avângin Kohhranhovin ãawngtaiin Pathian hnênah kan dîl ãhîn a. Dâktawr ãa tak pahnih kan nei thar ta a, chûngte chu:-

- (1) Dr. Ruth Lalmuanpuii, MBBS, d/o R. Vanlalruata (L), Kulikâwn chuan Medical Officer hna chu May 1, 2014 khân a rawn zawm.
- (2) Dr. Joseph Lalmachhuana, MD, s/o S.K. Thanga, Bâwngkâwn chuan Medicine Specialist hna July 21, 2014 khân a rawn zawm bawk.

Damdawi In tihchangtlunna kawngah hma lâk thar zêl a ni a, Dâktawr-te thiamna sâng zâwk nei tûrin mi panga chhawp mêk an ni. Damlo enkawlina changtlung zâwk nei tûrin CT Scan khâwl lei a ni a, MRI lei tûrin hma lâk mêk a ni bawk. Khâwl changkâng tak tak hmanga damlo enkawl theih nân khâwl thar lei belh zêl a ni. Natna hrik enna hmun (Microbiology Unit) leh nat chhan zawmna (Laboratory) pawh khâwl ãa thuan chhoh zêl a ni. Damlote tân ei

leh in ruahmansaktu Dietician (dai-ti-sian) puitling kan nei thar ta bawk a, taksa mamawh tûr tak chhût chhuakin thurâwn a pe thei reng bawk a, natna hrang hrang neite tân a ãangkai hle.

Damlo thisen mamawhte tan Blood Bank changtlung tak kan nei a; kum 2011 Synod Inkhâwmpuiin a remtih angin thisen thliar hranna (Blood Component Separator) khâwl leh hemiin a ken tel thil chi hrang 13 lai, chêng nuai 137 man zet chu lei a ni a; July 1, 2014 khân hman theiha bun fel a ni. He khâwl thar kan neih avâng hian damlovin a mamawh tak thisen vâ emaw, thisen tikhangtu emaw pawh a bîka pêk theih a ni ta a; damlo tân a hlu êm êm a ni.

3. In sak hna

Damlote awmna leh thawktute awmna in hi a sakna a rei tawh avângin a tlabal tawh hlawm a, thawm ãat zêl a ni, a tam tham avângin a ãul zual lai chauh thawh pawhin a sênsa a sâng duh hle. Tûnah hian Staff Nurse Hostel thuan ãat hna zawh thawkhata a ni.

Private Ward thar (Pi Pui In) sak mêk room 32 awm theihna tûr chu tân kum tâwp lamah chuan luah theih ngei beisei a ni. Private Ward hnuaiah hian mit enkawlina hmunpui dah tûr a ni bawk. Tin, Nurse zirlaite hostel tûr sak hna pawh chak taka hma lâk a ni a, mi 150 vêl len theihna tûr chhâwng lia sâng a ni a, a chhuat tûr chhûn zawh tawh a ni a, a bang pin hmabâk a ni. Tin, dâktawr te chênna, chhûngkaw pali luah theih tûr (Doctor's Apartment) sak hna pawh ãan a ni tawh a, kum 2016-ah chuan luah theih beisei a ni. Tuizêm, tui litre 10,00,000 dawng thei tûr siam mêk a ni bawk a, kumin favâng ruah dawn hman beisei a ni.

4. A tithei leh inphal apiangte tân

Synod Hospital hi damlo a mamawh apiangte enkawlina a ni. Vun rawng avâng te, sakhua avâng te, hnam leh chi avâng te, rethei leh hausa pawh thliar hranna awm lovin taksa, rilru leh thlarau damna tûra damdawi leh Pathian thu hmanga damlote enkawlina, Lal Isua hna - tihdam rawngbâwlna chhunzawm zêlna hmun a ni. Nat tinrênga naten Isua an pan ãhîn angin Pathian chakna ringa dam beiseiten he Hospital hi an pan a, mi mal hlâwkna emaw, Hospital hausakna emaw thlîr lovin damlote enkawl leh rawngbâwlsak hi a ngaih pawimawh hmasak a ni ãhîn. Kohhran hrang hrangte leh pâwl

Phek 2-na column ding lamah zawm a ni...

SYNOD Newsletter

EDITORIAL STAFF

Rev. K. Lalpiangthara (LPT)
Rev. Thangzauva (TZ)
Upa H. Ronghaka (HR)
Upa Khawlungnunga (KCN)

Editorial

EI ZAWNNA KAWNGA FĪMKHUR

Kan thalaite zingah ei zawnga avanga mahni ram chhuahsan an awm ta nual mai. Entawn tlak tak tak leh chhungle pawhin an chhawr tak tak hriat tur an awm ta a, a lawmawm hle. Hetiang a nih mek lai hian nu leh pate pawhin kan fate ei zawnga tur kan ngaihtuahpuinaah fimkhurna tur kan neiin a lang. Sum hloh aiin nun hloh a paw tih hi hria ila. Thenkhat an hlawhtlin viau laiin thenkhat chuan nun an hloh phah a, tawh sual an tawh vanga kumkhaw chawr loh phah nana hmang pawh a awm theih tih hriat reng a tha.

A bik takin ram pawm lamah pawh hmeichhiate tan hian tawhsual tawh theihna a tam a. Kan fimkhurpui thiam pawh a tul ta hlein a lang. Mi tam tak chu sum hmuhna tur a nih chuan kan mit a del tlat a. Hnam dang leh sakhaw dang biate pawh kan ngaidam thui thei viau emaw tih tur a ni. Kan Kristianna nena inrem lo thilte phei chu sum pawh tam se tlansan ngam zawk tur a ni. Ram danga eizawnte hi a that baw rualin chetsual palh a hlauhawm tih hria ila. Passport-ah pawh India mi kan nih ang taka siamtir tur a ni a. Ram dang hmingin siamtir mai mai chi a ni lo.

FINANCE COMMITTEE VAWI 110-NA

September 4, 2014 chawma dar 10:00 khun Synod Office Committee Room No II-ah Synod Finance Committee vawi 110-na a thu. He Committee hi Moderator Rev. K. Lalhmuchhuaka'n kaihruiin member an tel tha hle a. Foreign Contribution hman dilna leh Budget Diversion/Reappropriation dilna te leh thil pawimawh eng emaw zat ngaihtuah a ni.

Finance Committee-in kum 2013-14 Account hrang hrang audit atanga bawhzui ngai bawhzui fel a nih thu te, Audit Reports leh Statement of Account te SEC-in a pawm fel thu te, sawmna anga Bial pasarih leh Kohhran mal pakhata Finance Campaign leh training buatsaih a nih thu te, Delhi-ah in sak zawh sa leh a hmun chhawm zawng zawng ₹ 10,00,00,370-a lei a nih thu te inhriatir a ni.

April atanga August thla chhunga sum hmuh tawh chu Pastoral-ah ₹ 28,01,57,344 a ni a, Mission lamah ₹ 22,17,89,818 hmuh a ni tawh bawh.

Phek 1-na zawm...

hrang hrangin neitu chan changin an remchan angin an thawh khawm a, chun chu a tangkai thei ang berin damlo enkawl nan hman a ni thin.

Damlo thenkhat chu an natna avang leh enkawlna mamawh dan a zir te, an duhthlanna avang te pawhin Private Ward-a an awm a tul thin a. Synod Hospital-in Private Ward a neih chu a in a hlu tawh avangin sak that a ngai a. Building puia cabin kan neih chu a tam tawh loh avangin damloten an inchan lo nasa a, kum 2006 atang khun Private Ward chu a thara sak tan a ni a, a hmingah Missionary daktawr hmasa hming chawin 'Pi Pui In' tih a ni. He in hi kumin chhung ngeia luah tur peih tumin chak taka hma lak a ni a.

He in sakna tur chhurna (Plan & Estimate)-ah a chhunga bungraw dah ngaite leina tur hisap tel a lo nih loh avangin harsatna kan tawh mek a. Budget

dil belh a rem bawh si loh avangin he rawngbawl hna ngai pawimawha tel thei leh tel duh apiangte tan 'Pi Pui In' thumna tur kan mamawhte kan han tar lang ngai a, bungraw pakhat emaw, Room khat mamawh emaw pe thei kan awm chuan a lawmawm ngawt ang. Hetiang hian:-

(1) Damlo khum pakhat	₹ 30,000
(2) Bedside Locker pakhat	₹ 5,000
(3) Steel Almirah pakhat	₹ 17,500
(4) TV(LED) pakhat	₹ 30,000
(5) Refrigerator(180 lits) pakhat	₹ 13,000
(6) Couch/Sofa pakhat	₹ 17,500
(7) 3 seated Sofa for Deluxe Room	₹ 15,000
(8) Choka mamawh — Stainless Steel Bucket, Mug, Plates 1200 Watts etc.	₹ 22,000
(9) Geysers for Deluxe (10 litres)	₹ 8,000
Total	₹ 1,58,000

ZU LEH UNIQUE IDENTIFICATION (UID) ZIR

September 2, 2014 (Thawhlehi) khun nilengin Synod Revival Department chuan Synod Revival Speaker-te pualin Zu leh Unique Identification (UID) chungchawng zir hona a buatsaih a, Synod Revival Speaker-te an kal tha hle.

Chawhma lam chu Rev. Lalzuithanga, Sr. Executive Secretary-in a hrui a; Rev. Chuathuama'n Mizoram Presbyterian Kohhranin zu a pawm dan leh zirtir dan te, Bible-in zu a sawi dan te a zirtir a, sawi hona hun hman zui a ni.

Chawhnu lam chu Rev. R. Lalnuntluanga'n a hrui thung a, India sawrkarin khua leh tuite chhinchhiahna kalphung thar a siam Unique Identification (UID) chungchawng Upa Bonny Lalrindika thu ziak zir a ni. UID chungchawng thu dik lo theh darhtute avanga Kohhran mite chi ai dan te, khua leh tuite tih tur ang pawh ti thei lova atthlak taka bumna thanga awk mekte tanpui dan tur te sawi ho a ni. UID hi hlauh tur chi a nih lohzia leh sakawh nena inanna pawh nei lo, technology thar hmanga sawrkarin khua leh tui chhinchhiahna awlsam zawk leh rin tlak zawk a siamna hmanrua mai a nih thu leh, sakhaw nun nena inzawmna pakhat mah nei lo a nihzia sawi darh pawimawhna te inchah a ni bawh.

SYNOD ZAIPAWL MEMBER THAR

Central KTP Committee chuan Synod Choir (2014-2016) member turte a ruat fel ta a. September 5, 2014 (Zirtawpni) tlai dar 4:30-ah Synod Conference Centre-ah Zaipawl member tharte hlanna inkhawm neih a ni a, zanriah an kil ho ngai.

Synod Zaipawl member ruat tharte hlanna hi Pu Samuel Laldinglana, Asst. Leader, CKTP-in a kaihrui a, Gen. Secretary Upa Zonunmawia'n report leh inhmelhriatirna a tih zawhin Pu R. Lalruatkima, Director, Synod Choir-in thu a sawi a, Synod Moderator Rev. K. Lalhmuchhuaka'n a hlun a, CKTP Leader Rev. J. Lalremsiama'n thuchah a sawi a ni.

SYNOD RESCUE HOME ENKAWLTE

February-July, 2014 chhunga Synod Rescue Home-a enkawlte leh an dinmun hetiang a ni:

Damlo enkawl	Mipa	Hmeichhia	Total
Admit zawng zawng	109	19	128
Tlanchhuak	30	1	31
Dah chhuah	4	-	4
Hruai chhuah	3	-	3
Released	63	12	75

"Nangmahnia awm in beisei chhan zawt apiang che u chhang turin inpeihsa fo ang che u," (1 Pet 3:15)

Râl Vêngtu

Hmâr Vêng lam pa pakhat chuan inlârna a hmu a, mangang takin Râl Vêngtu a pan a, "Inlârnaah chuan chhông rual tak hi ka hmu a. An fate tam zâwk chuan thu awih takin anmahni hringtu an nu leh pate thu an zâwm thîn a, a then chuan an nu leh pate chu zah nachâng pawh hre lovin zûte an in a, an sawi chhe bawrh bawrh a; chûngho bulah chuan mi dum ki nei vên vên hi ka hmu a," tiin hlau hmêl pu takin a hrilh a.

Râl Vêngtu chuan, "Tûnlai hian thlarau lama hringtu, kohhran zah thiam tak tak an awm laiin, thenkhat chuan tawngka leh thiltihah zahna rêng rêng an nei ta lo va; chanchinbu lam thlengin an sawi chhe ta bawrh bawrh a. Hêngho rilrua thawktu chu ramhuai a ni," tiin a hrilhfiahsak a. Inlârna hmutu chu a veng ta huai a, Râl Vêngtu hnênah chuan mittui tla zawih zawihin lâwm thu a sawi ta a.

BIBLE SCHOOL-A ZIR CHHUK THAR 53

Presbyterian Bible School-a Certificate in Theology (C.Th.) zirnaa zir chhuak thar 53-te pualin August 26, 2014 khân Synod Conference Centre, Aizawlah inthlahna leh zir chhuakte hlanna (Farewell & Dedication Service), Synod Moderator Rev. K. Lalhmuchhuaka hovin hman a ni a, Moderator hian thuchah a sawi bâkah zir hun bi thliah 30-na (January - April, 2014)-a Christian Theology leh Church Administration subject-a mark hmu sângte hnênah 'Pu C. Awithanga Award' a hlân bawk. Zir hun bi thliah 31-naah hian zirlai 61 zînga 53-in an zir chhuak a, I Division-ah 31, II Division-ah 14, III Division-ah 2, Simple Pass 6 an awm a, mi pariat chuan an exam lo thung. A pum puia ti tha zualte:

1. Lalţanpuii d/o Lalremsiama (L), Zotlâng, Champhai
2. Lalbiakzuala s/o Vanlalchhûnga, Kawnpui Chhim Vêng
3. C. Lalbuangi d/o Thangkuala (L), Mission Vêngthlang

SYNOD BU 2013

Synod Bu 2013 a chhuak tawh a, Kohhran tinin mahni kohhran copy tûr leh Pastor, Pro. Pastor, Minister, Kohhran Upa leh Pêm Upa copy tûr Synod Office mamawh lamna aţangin lâk theih a ni.

SYNOD HOSPITAL, DURTLÂNG JULY, 2014 CHHUNGA THILPÊK DAWNTE

I. CHARITY FUND

1. KTP Hmuntha Bial	₹ 1,505/-
2. Lungdai Kohhran	₹ 1,000/-
3. Pu Lalchhandama Colney, Châltlâng Lily Vêng	₹ 5,000/-
4. Zorinmawii, Zârkwat, Aizawl	₹ 3,500/-
5. Mamit Hmunsâm Bial Kohhran Hmeichhia	₹ 3,405/-
6. Hunthar Vêng Kohhran	₹ 10,000/-
7. Champhai Kanan Bial Kohhran Hmeichhia	₹ 2,260/-
8. Pu Lalrinthanga & Fly, Bethel Vêng, Zemabâwk	₹ 4,000/-
9. Pu Rosâwmliana, Durtlâng, Leitan	₹ 1,000/-
10. Upa Tialiapa, Lawngtlai College Vêng	₹ 5,000/-
11. Pu Lalnunsânga, Durtlâng Dâwrkâwn	₹ 1,000/-
12. Pi Rothangpuii leh a fate, Durtlâng Mêl 5	₹ 3,000/-
13. Kâwnpui Vênglai Kohhran	₹ 5,000/-
14. Rengdil Bial Kohhran Hmeichhia	₹ 920/-
15. Zuangtui Kohhran Hmeichhia	₹ 10,000/-
16. Dinthar Kohhran Pavalai Pâwl	₹ 10,000/-
17. Keitum Bial	₹ 10,000/-
18. Leitan Kohhran Hmeichhia	₹ 7,000/-
19. Lalvênhima, Durtlâng Kâwn zawl	₹ 1,500/-
20. KTP Vaphai Bial	₹ 2,000/-
21. KTP Lawngtlai Chanmary Bial	₹ 1,000/-
22. KTP Ngopa Bial	₹ 2,500/-
23. Maubâwk Bial Kohhran Hmeichhia	₹ 10,000/-
24. Khawhai Bial Kohhran Hmeichhia	₹ 900/-
25. Bairabi Chhim Vêng Kohhran	₹ 5,000/-
26. Zuangtui Kohhran Social Front Committee	₹ 10,000/-
27. Hortoki Bial Kohhran Hmeichhia	₹ 1,200/-
28. Upa H. Challiana, Ramthar Tlâng Vêng	₹ 8,000/-
29. KTP Chhingchhip Bial	₹ 5,000/-
30. Pu Laldanglova, Durtlâng Mêl 5	₹ 1,500/-
31. KTP Vaivakâwn Bial	₹ 10,000/-
32. Unknown	₹ 1,000/-

II. GRACE HOME TANA PETUTE:

1. Kanan Kohhran, Aizawl : Grace Home-a damlo Imphal-a enkawl ngaitte kal man tur Love Project pual atan ₹ 8,000/-
2. Farkawn Bial Kohhran Hmeichhia : ₹ 20,620/-
3. Ramhlun North Kohhran Hmeichhia : i) ₹ 5,000/- (Ar Sawhchiar etc siam nân); ii) Arsa 5 Kgs; iii) Grace Home leh K. Ward-a damlo te hman tûr Bed Sheets 60, Lukhamkâwr 40 leh Thosilên 1
4. R.D. Drug Store, Dawrpui, Aizawl : Grace Home-a damlote tân damdawi chi hrang hrang: i) Pantop D- 10 boxes; ii) Piczyme - 50 bottles; iii) Antacid (Popycard)- 40 bottles; iv) 10% Dextrose- 3 boxes; v) NS- 3 boxes; vi) RL- 2 boxes

5. Zonuum Kohhran Hmeichhia: ₹ 10,000/-
6. Mizoram Florist Association, Aizawl: Fârkung 10 & pangpâr

III. THISEN PETE

PEK ZÂT	
1. KTP, Model Veng Branch	32 Units
2. Aizawl City PYD, Aizawl East, Ramhlun South	158 Units
3. YMA, Ramhlun North Branch	97 Units
4. Sairang Bial KTP	53 Units
5. Mualpui Police Kohhran Thalai Pawl	29 Units
6. Adventist Youth Federation, Aizawl West Branch	44 Units

IV. THILDANG PETE

1. RS Drug Store, Upper Bazar, Aizawl	Emergency Light, New Cabin-a hman tûr 1
2. Pu R. Lalthanzuala, Kulikâwn, Aizawl	Guitar Rs. 4,800/- man K. Ward-a hman tûr Naupang Ward-a hman tûr Flask 1
3. Gini & Joni, Zârkwat	Bawhlhaw ruhna (Grace Home tân 3 leh Hospital tân 20)
4. Bawngkâwn Bethel Kohhran Pavalai Pâwl	Chawhmeh bag 5
5. Leitan Kohhran Hmeichhia	Blood Bank tân BEVERAGE Cooler
6. Bawngkawn Chhim Vêng Kohhran	Hmunphiah 55
7. KTP Ngopa Bial	Naupang Ward tân Water Filter
8. Pu C. Daniela, Zuangtui, Aizawl	An Inneih kum 55-na hriatring nân Thutthlengsei 6
9. Upa C. Thanghulha, Maubâwk, Sikul Vêng, Aizawl	Bed Sheets 180, Lukhamkâwr 17
10. Bethlehem Kohhran Hmeichhia	Cryptomeria Japonica (Japan Fâr)
11. Pu Lalrinliana, R.O. Forest Dept.	Mitthi tuamna puan 20
12. Mission Vêng YMA South Branch	

Khawngaihna leh duhsaknaa thilpêk min petute zawng zawng hnênah Lalpa Isua Krista hmingin lawmthu kan sawi tak meuh meuh a ni. Heng in thilpêk kan dawnte hian damlo awm man harsate thlamuang takin a awmtir a, Hospital mamawh tam tak min phuhrûksak baw a ni.

Sd/- REV. R. RAMDINMAWIA
Chaplain (Sr.),
Synod Hospital, Durtlang

SYNOD BOARD/COMMITTEE HRANG HRANG THUT HUN

Kum 2014 Synod Inkhâwmpui atâna inbuatsaihna ni pahfâwma Synod Board/Committee hrang hrang thut hun tûr ruat sa hetiang a ni:

October 20	10:00 am - 4:00 pm	PPF Board Committee
October 21	10:00 am - 4:00 pm	PRESCOM Board Committee
October 22	10:00 am - 4:00 pm	Sunday School Committee
October 23-24	10:00 am - 4:00 pm	Synod Mission Board Committee
October 27	10:00 am - 4:00 pm	Synod Theological Education Board Committee
October 28	10:00 am - 4:00 pm	Synod Hospital Board Committee
October 29	10:00 am - 4:00 pm	Synod Pastoral Committee
October 30	10:00 am - 4:00 pm	Synod Education Board Committee
October 31	10:00 am - 4:00 pm	SL & PB Committee
November 4	10:00 am - 4:00 pm	Synod Social Front Committee
November 5	10:00 am - 4:00 pm	Synod Music Committee
November 11-13	10:00 am - 4:00 pm	Synod Executive Committee
November 18-20	10:00 am - 4:00 pm	Synod Finance Committee

KOHRAN ENKAWL LEH COUNSELLING ZIRNA

Mizoram Presbyterian Kohhran hnuai chhûngkaw kaihhruaina lam rawngbâwlna, Family Guidance & Counselling Centre (FG&CC) chuan August 13 - 26, 2014 chhông khân Synod Conference Centre, Aizawlah Kohhran enkawl leh counselling zirna a buatsaih a; Bial pasarih aţangin Kohhran Upa 31 an tel. A tâwp zânah hemi chhûnga an zirte an hlâwkpui dân sawi hona leh Certificate hlanna hun, Synod Moderator Rev. K. Lalhmuchhuaka hovin hman a ni a, Moderator hian thuchah sawiin Training chhuakte hnênah Certificate a hlân. Rev. Lalramliana Pachuau, Executive Secretary, i/c FG&CC-in inkhâwm a kaihruai a, Rev. Lalhmingthanga, Director, FG&CC-in an rawngbâwlna chanchin a report a, Luangmual Bial Zaipawl an zai bawk.



Thingsulthliah Kohhran chuan July 12 aṭanga August 10, 2014 chhûng khân Upa K. Lahunpuia, (Speaker, Revival Fire Team) ruaiin Camping vawi li leh naupang lêng camp an buatsaih a. Presbyterian bâkah SA, UPC, RC, IKK, Lalhnam mi leh sate lûtin campers - mipa 340, hmeichhia 289 an vawiin mi 629 an lût a. Harh tharna a thleng nasa a, Biak Ina leng lo tân Kohhran Hall-ah Big Screen a en theihin programe siam hial a ngai a. Biak In thleng tawh ngai loten Thlarau Thianghlim pawl tharna an chang nasa hle.

SAWMNA

Ratu Kohhran chuan 26 September, 2014 (Zirtawpni) khian Biak In thar an hawng dawn a. He Biak In thar hawnna hun hmanpui tûr hian Ratu Kohhrana lo lawi tawh hmun danga awm zawng zawngte an sâwm.

Bûngtlâng Vêngsâng Kohhran, Bûngtlâng Pastor Bial chuan an kohhran kum 100 tlinna (Centenary) lawmna hun 25-27 October, 2014 chhûng hian an hmang dawn a. He kohhrana lo lawi tawh zawng zawngte he hun hmanpui tûr hian an sâwm.

Lungtan Branch KṬP (Khawhai N Bial) chuan October 2, 2014 (Ningani) hian an Branch Diamond Jubilee an lawm dawn a. He hun hmanpui tûr hian an member lo ni tawh zawng zawngte an sâwm.

Rengtekâwn Kohhranin November 14, 2014 (Zirtawpni) khian Kohhran Silver Jubilee an lâwm dawn a. An Kohhrana lo lawi tawh zawng zawng leh a duh apiangte he hun hmanpui tûr hian an sâwm.

PRESBYTERY INKHÂWMPUI

Presbyterian Church of India hnuai Kohhran rorêna (Church Court) pawimawh tak Presbytery Inkhâwmpui chu October 9-12, 2014 chhûng khian Mizoram Synod hnuai Presbytery 46-ah hman a ni ang. Mizoram Presbyterian Kohhran Synod hnuai hian Mizoram chhûngah Presbytery 35, Mizoram pâwn Pastoral hnuai hian Presbytery paruk leh Synod Mission Board hnuai hian Presbytery paruk baw a awm mêt. Presbytery hian Kohhran Upa thlan phaksalin a nemnghet thei a, Synod Inkhâwmpui leh Synod Board/Committee-a ngaihtuah tûr agenda a chhawp thei baw. Presbytery thlengtu tûr Kohhrante an inbuatsaih ngawh tawh hle.

www.mizoramynod.org

SYNOD ENDOWMENT FUND PETUTE LEH PÊK ZÂT (wef 1 – 29 August, 2014)

Kohhran hming	Pêk zât (₹)	Zâwlsei			
Ngentiang	2,000	Mamit Hmunsâm	5,000	Saikhawthlîr	2,000
Tlungvel Field Vêng	5,040	Vaphai Vêngthar	2,000	Kanan, Aizawl	84,860
Phûllên Vêngthar	5,000	Champhai Bethel	10,000	Lungtan	4,030
Rûpuihlim	2,000	Sailam, Chhiahtlang Bial	2,000	Lunglei Ramthar	5,000
				Chhimluang	1,000
				Total	1,34,930

REVIVAL CAMPING CENTRE-A CAMPING KAIHHRUAINA

Kum 2013 Synod Inkhâwmpui thurêl, “*Kan mite zirfirna dik lo laka an him nân leh mamawhtute tân kum tluanin Synod Revival Camping Centre-ah Camping buatsaih ni se,*” tih bawh zuina kal zêlah Camping buatsaih dân tûr kaihhruaina siam thar a ni a, chumia kohhran mite hriat âwm deuhte chu hetiang a ni:-

1. Camping neih dân tûr

(1) Camping hi Presbyterian Kohhran mite tân a ni ang a, kan Kohhran mi ni loten luh an duh ve a nih chuan an awmna vênga kan Kohhranin Camp-a lût tûr zîngah an telh thei ang.

(2) Camping hi thla khatah tum khat neih thîn a ni ang a, rokhawlhna bîk a awm loh chuan thla tin chawlhkâr hnihna Thawhlehi-ah an lût thîn ang a, chawlhkâr thumna Thawhtanni-ah chhuah thîn a ni ang. Eng emaw rokhawlhna bîk avâng a chhuah hun tûra ruatah chhuah thei a nih loh chuan Revival Director leh Senior Executive Secretary i/c Revival an hriattîr ang a, anni'n tha an tih angin kal a ni ang.

(3) Camping-a lût tûrte chu Kohhran Secretary-in a ngaihven ang a, Revival Director hnênah a thlen ang. Tum khatah Kohhran pakhat aṭangin mi 10 aia tam lo an lût thei ang a, tum khatah Camper 200 aia tam luh thei a ni lo vang.

(4) Camping-a lût tûrte chu an lawina/awmna vênga kan Kohhran-in Camping Centre-a dah luh leh an chhuah huna hruai chhuah-ah mawh an phur ang a, a sênso chu camper-te leh an lawina kohhran mawhphurhna a ni ang. Eng emaw harsatna bîk leh discipline thua chhuah tîr ngai an awm chuan an lawina kohhran hriattîra hruai chhuah tîr a ni ang.

(5) Camper pakhat tân Registration Fee 100/- a ni ang a, hei hi luh nîn camp-ah pêk fel ngihâl tûr a ni.

(6) Camp chhuah hnuah follow-up programme neih chungchâng chu an lawina Kohhran kutah a awm ang.

2. Speaker leh Counsellors

(1) Camping Speaker tûr chu Synod Revival Speaker-te zîng aṭangin Revival Director-in a ruat thîn ang a, Campers an thathnem tuma team lam an indaih lo dawn a lan chuan team hnih pawh ruat thei a ni ang. Team member-te chu counsellor-ah rin ngihâl an ni ang a, Camp Director leh Secretary tûr chu team zîng aṭangin Speaker-in a ruat ang.

(2) Camp Speaker leh Director chuan discipline an vawng ngihâl ang a, team member-te nêl tâng hovin Camper-te awmna tûrte an ruat fel ang. Camp Secretary chuan Camper-te hming leh an dinhmun ziakna Register a vawng ang a, hei hi inhlan chhâwn zêl tûr a ni ang.

(3) Revival inkaihhruaina angin Speaker leh team member-te hi camp-a an lût lam leh an chhuak lam kalna TA/DA Revival Budget aṭangin pêk a ni ang a, Camp-a an awm chhûng atân Revival Committee-in âwm a tih ang lâwmman a pe ang.

Hetianga Camping buatsaih a nih dawn tâk avâng hian thawktu (daily basis) pahnih – Camp Manager leh Mess Manager awm tura tih a ni a; anni pahnih hian Revival Director kaihhruaina hnuai hian Camping Centre-a Revival Dept.-in Camping hrang hrang buatsaihah mawh an phur dawn a ni.

Medical Duty tûr Synod Hospital-a thawktute aṭangin beisei a ni ang a, an remchan loh tumah chuan Private Hospital aṭangin inpe thei tûr zawn a ni ang; hêng hospital aṭanga remchâng an awm lo a nih chuan lâwmman pea duty tûr zawn a ni ang a, hei hi Revival Director kutah a awm ang.

Kum 2015-2016 aṭang chuan a hrana budget head siamin dah a ni ang. Mi mal/Kohhran/Bial/Pawl etc., Camping-a hman tûr pawisa emaw, a thil emawa pe thei an awm chuan Synod Revival Department-ah pêk thei a ni ang a, heta pe remchâng lo tân Camping Center-ah Camp Manager hnênah pêk thei a ni baw ang. Donation Record vawn a ni ang a, a pawisa dawn chu a hranpaa Account vawn a ni ang.

Camping-a lûtte zawm tûr Camp Rules chu a hranin siam a ni ang. Mamawh lama veivak thei tûr motor pakhat hman a ni ang a, camping lai chuan hman mai thei tûra awm reng tûra ngaih a ni ang. Ruahhman hi kum khat chhûng hman chhin phawt a ni ang a, chumi hnuah a tul anga en that a ni ang. Hêng baka ngaihtuah ngai a awm chuan Revival Committee-in a rêt fel ang. **He kaihhruaina zuia Camping hmasa ber chu Synod Inkhâwmpui zawh, December 16 - 22, 2014-chhûngin buatsaih a ni dawn.**